

## 2020-mi meeqqat atuarfianni soraarummeernerit

Meeqqat atuarfianni naggataarlutik atuartut FA-milu atuartut agguaqatigiissillugu karakterii kommuninut, suaassutsinut atuarfinnullu agguaaneri aammalu kommunit malillugit karakterit agguaaneri tabelini takuneqarsinnaapput.

Annertunerusumik periaatsimut nassuiaat periaaseq pillugu nalunaarummi takuneqarsinnaavoq.

Meeqqat atuarfiini misilitsinnerit naammassineqarsimasut inerneris kisimik kisitsisitigut paasissutissani naatsorsorneqarneri erseqqissaatigineqarpoq. Taamatullu atuartut qanoq amerlatigisut inaarutaasumik misilitsinnermi peqataasimangitsut nalunaarsuuteqannginnerat.

## Meeqqat atuarfianni soraarummeerluni karakterit

### Siunertaq

Meeqqat atuarfianni soraarummeerluni karakterit Ilinniartitaanermut Aqutsisoqarfiup Karakterdatabase-ani saqqummiunneqartarput. Meeqqat atuarfianni soraarummeerluni karakterit kisitsisaataasivimmi saqqummiunneqarnerinut siunertaavoq nalunaarsuutit tamanut pisariinnerusumik atorineqarsinnaalernissaat. Massakkullu ukiumiit ukiumut karakterit aammalu assersuutigalugu atuarfiit akornanni karakterit ineriartornerat ajornannginnerusumik sanilliunneqarsinnaalerput.

### Nalunaarsuutit tunngaviusut

Meeqqat atuarfianni soraarummeerluni karakterinut naatsorsuineri Ilinniartitaanermut Aqutsisoqarfiup Karakterdatabase-ani nalunaarsuutit atorineqarput.

Karakterdatabase meeqqat atuarfianni ukiumi atuarfiusumi karakterinik, inaarutaasumik misilitsinnermi karakterinik taamatullu Majoriami imaluunniit Kalaallit Nunaanni højskolini efterskoliniluunniit piginnaanngorsarluni meeqqat atuarfianni soraarummeernermi misilitsissummik naammassinnissimasut karakteriinik imaqarpoq. Database atuartut soraarummeerluni misilitsinnissamut peqataasussaangitsut akuerisaasimasut nalunaarsuutaannik imaqanngilaq. Amerlanertigut tamanna specialklassini atuartunut pisarpoq. Taamatuttaaq atuartut Danmarkimi efterskolinini 10.klassersimasut nalunaarsorsimangillat. Meeqqat atuarfianni aqqissusseqqinnerup eqqunneqarnerata kingorna atuartut soraarummeertut siulliit 2008-mi Atuarfitsialammi soraarummeerlutik misilitsipput. Aqqissusseqqinnerup siuliani eqqunneqarneratalu kingorna karakterinut nalunaarsuutit

sanilliunneqarsinnaanngillat, taamaattumik kisitsisitigut paasissutissani peqqussutip nutaap atuutileranerit atuartut karakterii kisimik ilanngunneqarput.

### **Periaaseq**

2008-mut nalunaarsuutit atornerqartut peqqussummi siullermi nutaamilu atuartut soraarummeerlutik karakteriiniq imaqarput. Kisitsisitigut paasissutissani peqqussummi nutaami atuartut kisimik ilanngunneqarput.

Karakterit nalunaarsuutaat misissorneqarput, inuup-normui atorsinnaanngitsut peerneqarlutik. Atuartut Meeqqat atuarfianni naggataarlutik atuartunut aammalu FA-mi atuartunut klassip qaffasissusai malillugit agguaanneqarput. Klassit qaffasissusaanni kukkusumik nalunaarsorsimasat aaqinneqarput. Marlorialuni nalunaarsorneqarsimasinnaaneq misissorneqarpoq, taamaasilluni inuup normui tamarmik immikkut fagimut ataatsimut, inaarutaasumik misilitsinnermut ataatsimut, klassip qaffasissusaanut ataatsimut aammalu ukiumut pineqartumut ataatsimut karakteri ataaseq nalunaarsorneqarpoq. Atuartut napparsimallutik, aggingitsoorlutik il.il. soraarummeerluni misilitsinnermi peqataasimannngitsut peerneqarput, taamaasilluni nalunaarsuutini atuartut karakterillit kisimik ilaatinneqarlutik. Taakkulu saniatigut aalajangerneqarpoq faginut toqqagassanut aammalu allamiut oqaasiisa pingajuannut karakterit nalunaarsuutaat saqqummiunneqassanngitsut, nalunaarsukkat ikippallaarnerat kisitsisinilu paasissutissani sanilliunneqarsinnaannginnerat peqqutigalugu.

### **Naatsorsuineq**

Soraarummeerluni misilitsinnerni karakterit kisitsisitigut paasissutissaat agguaqatigiissillugit kisinneqarput aammalu kommunit, atuarfik, klassip qaffasissusaa, suaassuseq ukiorlu malillugit naatsorsorneqarlutik. Taassuma saniatigut kommunit malillugit karakterit agguaannerinut, karakterilersuisarneq A-B, C-D, E aammalu Fx-F atorlugit, kisitsisitigut paasissutissiortoqarpoq.

Kisitsisini paasissutissani nalunaarsuutit sisamanit ikinnerusut saqqummiunneqanngillat.

### **Killiliineq erseqqissagassallu**

Karakterit agguaqatigiissinnerinut imaluunniit atuarfiit malillugit karakterit agguaannerinut sanilliussinnermi atuartut ikittunnguusinnaaneri eqqumaffigineqassaaq, kisitsisitigut paasissutissani nalunaarsuutit ikitsillugit inuit amerlassusaat apeqqutaalluinnartarmat ukiumiillu ukiumut nikerartitsinnaalluni.

---

Ilisarnaatinut nassuiaatit:

... Paasisutissat pigineqanngillat

.. Paasisutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uttuutigineqartup affaanit minneruvoq

- Nul

\* Kisitsisaagallartoq kisitsilluunniit eqqoriarneqartoq

Saaffissaq

Emil Malta

E-mail: [emim@stat.gl](mailto:emim@stat.gl)

Ilinniartitaaneq

Naatsorsueqqissaartarfik

Postboks 1025 · 3900 Nuuk

Oqarasuaat.: +299 34 57 70 · Faxi: +299 34 57 90

[www.stat.gl](http://www.stat.gl) · e-mail: [stat@stat.gl](mailto:stat@stat.gl)



NAATSORSUEQQISSAARTARFIK  
GRØNLANDS STATISTIK · STATISTICS GREENLAND

---